



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 6 (13.339)

Баҳоси эркин нарҳда

ҚОНУН УСТУВОРЛИГИ – ИНСОН МАНФААТЛАРИНИ ТАЪМИНЛАШНИНГ МУҲИМ ОМИЛИДИР

Ўзбекистон Республикаси Президенти Шавкат Мирзиёев 2017 йил 7 январда Прокуратура органлари ходимлари куни олдидан бир гуруҳ соҳа ходимлари билан учрашди.

Учрашувда Олий Мажлис палаталари раҳбарлари, ҳукумат аъзолари, давлат ва жамоат ташкилотлари вакиллари, прокуратура органлари масъул ходимлари ва фахрийлари иштирок этди.

Ўзбекистон Республикаси Давлат мадҳияси янгради.

Ўзбекистон Республикасининг 2016 йил 19 декабрдаги қонунига мувофиқ, 8 январь Ўзбекистон Республикаси прокуратура органлари ходимлари куни этиб белгиланди. Бу прокуратура органлари фаолияти самарадорлигини янада оширишга, соҳа ходимлари меҳнати рағбатлантиришга хизмат қилади.

– Сизларни 8 январь – Прокуратура органлари ходимлари куни муносабати билан чин қалбимдан самимий табриклайман. Барчангизга сиҳат-саломатлик, тинчлик-хотиржамлик, масъулиятли фаолиятингизда муваффақиятлар тилайман, – деди Президентимиз. – Маълумки, 1992 йил 8 январь куни Ўзбекистон Республикасининг Биринчи Президенти Ислам Каримов фармони билан Ўзбекистон ССР прокуратураси мустақил Ўзбекистон Республикаси прокуратурасига айлантирилган.

Ўзбекистон Республикаси Конституциясига мувофиқ, қонунчилик ташаббуси ҳуқуқига эга субъектлардан бири прокуратура органларидир. Прокуратура органлари томонидан мамлакатимизда қонун устуворлигини таъминлаш, қонунийликни мустаҳкамлаш, фуқароларнинг ҳуқуқ ва эркинликларини, жамият ва давлатнинг қонуний манфаатларини ҳимоя қилиш, жиноятчилик ва ҳуқуқбузарликларнинг олдини олиш борасида тизимли ишлар амалга оширилмоқда.

Мустақиллик йилларида мамлакатимизда қонун устуворлигини таъминлашга, фуқаролар ҳуқуқлари ва эркинликларини ишончли ҳимоя қилишга қаратилган кенг қўлмали ислохотлар амалга оширилди. Суд-ҳуқуқ тизими тубдан ислоҳ қилинди.

Эришилган ютуқлар ўзимизники, унга маҳлиё бўлиб ўтириш бизга ярашмайди. Бугун сизлар билан олдимизда турган таъбир вақтлар ҳақида гаплашиб олмоғимиз лозим, деди давлатимиз раҳбари. Одамлар ҳамма нарсага чидаши мумкин, адолатсизликка чидаёлмайдди. Жамиятда адолат барқарор бўлишида прокуратура органларининг ўрни катта бўлмоғи керак.

Биринчи Президентимиз Ислам Каримов раҳнамолигида кенг қўлмали ислохотларни ҳаётга изчил татбиқ этиш, уларнинг самарадорлигини юксалтиришда қонуний асосларни мустаҳкамлаш бўйича амалга оширилган ишлар мамлакатимизнинг ҳар томонлама тараққиёт этишига хизмат қилаётди. Давлат ҳокимияти ва бошқарувини янада демократлаштириш, фуқаролик жамиятини ривожлантириш бўйича қилинган ишлар дунё ҳамжамиятининг юксак эътирофига сазовор бўлмоқда.

Прокуратура органлари ходимларининг иши катта масъулият, фидойилик, ҳалолликни талаб қилади, деди Президентимиз. Қабул қилинаётган ҳар

бир қарор замирида инсон тақдири туради. Шундай экан, етти ўлчаб бир кесиш бу борада асосий мезон бўлмоғи шарт.

Қонунчилик базасини ҳар томонлама мустаҳкамлаш ва қонунларни сўзсиз ижро этиш, фуқароларнинг ҳуқуқий маданиятини ошириш, демократик ҳуқуқий давлатни ривожлантириш, хусусий мулк ва тадбиркорлик тараққиётини қўллаб-қувватлаш ҳамда унинг ишончли ҳимоя қилинишини таъминлашда прокуратура органларининг роли катта.

Ўзбекистон Республикаси Президентининг 2016 йил 5 октябрдаги "Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир қўшимча чора-тадбирлар тўғрисида"ги Фармонида тадбиркорлик фаолиятига қонунга хилоф равишда аралашганлик ва тўқсинлик қилганлик, уларнинг фаолиятини асоссиз тўхтатиб қўйганлик учун мансабдор шахсларнинг жавобгарлиги оширилган.

Бу соҳа ходимларининг зиммасига ҳуқуқий ҳужжатларнинг аниқ ва тўла ижро этилишини назорат қилиш, ҳуқуқбузарликларнинг олдини олишдек вазифалар масъулиятини янада оширди.

Президентимиз тадбиркорлик фаолиятининг жадал ривожланишида прокуратура органларининг роли ҳақида гапирар экан, қуйдагиларни алоҳида таъкидлади. Тадбиркор бой бўлса, давлат бой бўлади. Бунинг учун ишбилармонларга кенг шароит яратиб беришимиз лозим. Прокурор тадбиркорга қўмакчи бўлиши, у билан ҳамкорликда ишлаши даркор.

Мустабид тузум даврида одамлар прокуратура органлари ходимларини фақат қораловчи, жазовчи тизим вакиллари сифатида биларди. Биз ушбу соҳа фаолиятини халқаро талаблар даражасида қайта ташкил қилишда ижобий натижаларга эришмоқдамиз, деди Президентимиз. Прокуратура органлари кундалик ҳаётимизда қонун устуворлигини таъминлаш, юридик ва жисмоний шахсларнинг қонуний ҳуқуқларини ҳимоя қилиш, аҳолининг ҳуқуқий маданиятини юксалтиришга хизмат қилиши зарур.

Прокуратура органлари фаолияти устидан парламент назоратини амалга оширишнинг ташкилий-ҳуқуқий механизмларини янада такомиллаштириш, мамлакатда қонун устуворлиги ва қонунийликни таъминлаш бўйича прокуратура органлари фаолиятининг самарадорлигини ошириш, фуқароларнинг ҳуқуқ ва эркинликларини, жамият ва давлат манфаатларини ишончли ҳимоя қилиш мақсадида Ўзбекистон Республикаси Олий Мажлиси Сенатининг прокуратура органлари фаолияти устидан назорат қилувчи комиссиясини тузиш тўғрисида Ўзбекистон Республикаси Олий Мажлиси Қонунчилик палатаси Кенгашининг ва Ўзбекистон Республикаси Олий Мажлиси Сенати Кенгашининг қўшма қарори қабул қилинган. Ушбу қарорга

мувофиқ Комиссиянинг зиммасига қонун устуворлиги ва қонунийликни таъминлаш, фуқароларнинг ҳуқуқ ва эркинликларини ҳимоя қилиш, прокуратура органларининг ҳуқуқни қўллаш амалиётини ҳар томонлама ўрганиш ва умумлаштириш, прокуратура органлари фаолиятини тартибга солувчи қонун ҳужжатларини, шунингдек, ҳуқуқни қўллаш амалиётини ва уларнинг ишлаш усулларини янада такомиллаштириш юзасидан уларнинг зиммасига юклатилган вазифалар самарали бажарилаётгани устидан мунтазам парламент назоратини амалга ошириш вазифалари қўйилди.

Ҳозирги кунда Олий Мажлис Сенати томонидан ҳар йили Бош прокурорнинг ҳисоботи эшитилади. Бу албатта муҳим, лекин жойлардаги прокурорларнинг ҳисоботини ким эшитади, деди Шавкат Мирзиёев. 2017 йилдан бошлаб барча даражадаги ҳокимлар, прокуратура ва ички ишлар органлари раҳбарларининг аҳоли олдига ҳисобот бериш тизими жорий этилади. Бундан ташқари, вилоятларда прокурорларнинг ишига қараб ойлик рейтинг тузиб борилади. Уларнинг фаолиятига рейтинг натижалари асосида баҳо берилади.

Ўтган йили ташкил қилинган Бош вазирнинг виртуал қабулхонасига фуқаролардан 311 минг мурожаат келиб тушди. Мурожаатлар орасида прокуратура соҳасига тегишлилари ҳам талайгина. Бу жуда ачинарли ҳолдир, деди Президентимиз. Барчамиз ўзимизга бир савол берайлик: одамларда нима учун муаммолар бунчалик кўпайиб кетди, уларнинг дардини ким эшитади? Мурожаатларнинг аксарияти адолатсизликдан, уларни ҳеч ким эшитмагандан бўлмоқда. Агар прокуратура органларининг эшиги аҳоли учун очиқ бўлганида, Бош вазирнинг виртуал қабулхонасига бу қадар кўп мурожаат тушмас эди.

Халқ билан мулоқот ва инсон манфаатлари йилида мазкур соҳа ходимлари ҳам гоёта масъулиятли вазифаларни бажармоғи лозим бўлади. Биронта ҳам мурожаат эътибордан четда қолмаслиги керак, деди давлатимиз раҳбари.

Учрашувда Республика Бош прокурори Ихтиёр Абдуллаев, Хоразм вилояти прокурори Садрриддин Турдиев, Хонқа тумани прокурори Ғайрат Абдуллаев, Ғузор тумани прокуратураси катта нозири Замира Аширова, Тошкент шаҳар прокурори Ботир Қудратхўжаев, Бош прокуратура тизимидаги департаментнинг Тошкент шаҳар бошқармаси бошлиги Жаҳонгир Ғамаов ва бошқалар 8 январь – Прокуратура органлари ходимлари кунини нишонлаш ҳақидаги Ўзбекистон Республикаси Қонуни қабул қилинган учун Президентимизга миннатдорлик билдирди. Давлатимиз раҳбари томонидан билдирилган танқидий фикрлардан тегишли ҳулоса чиқариб, инсон манфаатларини тўла таъминлаш учун барча чора-тадбирлар кўрилишини таъкидлади.

А.ЎРОЗОВ,
ЎЗА мухбири

ИТАЛИЯДА БЎЛИБ ЎТГАН ХАЛҚАРО АНЖУМАН ЎЗБЕКИСТОННИНГ БОЙ ИЖОДИЙ САЛОҲИЯТИНИ НАМОЁН ЭТДИ

Италиянинг Пезаро шаҳрида "Италия – Ўзбекистон" II халқаро дўстлик фестивали бўлиб ўтди. Италиянинг таниқли санъат арбоби Анда Абдуллаева ҳамда Пезаро шаҳар мэрияси ва Пезаро-Урбино провинцияси, Ўзбекистон Бадий академияси, "Ўзбекистон ҳаво йўллари" Миллий авиакомпанияси, "Ўзбеккино" миллий агентлиги кўмағида "Verbumlandia" Халқаро маданий уюшмаси мазкур маданий тадбирнинг ташкилотчилари бўлишди.

Халқаро фестивалнинг очилиш маросимиде мамлакатимиз кўча ва бой тарихий-маданий меросига эга эканлиги қайд этилди. Анжуман доирасида ташкил этилган кўргазма, концерт дастури ва моддалар намоиши Италия оммавий ахборот воситаларида кенг ёритилди. Журналистлар ўзлари таъйёрлаган репортажларда кўргазма Ўзбекистон санъатининг ноёб дурдоналари ҳамда ўзбек халқининг кўча, ўзига хос ва кўп қиррали маданияти билан яқиндан танишиш учун аjoyиб имконият яратганини қайд этдилар. Акмал Нур, Алишер Алиқовлов ва Тоҳир Каримов сингари ўзбек рассомлари ижод намуналарининг намоиши ҳам тадбир меҳмонларида катта таассурот қолдирди.

Фестиваль доирасида ўзбекистонлик ва италиялик мусиқачилар иштирокидеги концертлар ҳам ташкил этилди. Ўзбекистонлик пианиночилар Н.Ҳусанова ва М.Илёсова иштирокидаги фортепиано мусиқаси кеңаси бўлиб ўтди.

Маданий анжуман доирасида уюштирилган моддалар намоиши ҳам ҳеч кимни бефарқ қолдирмади. Ўнда италиялик стилист ва модельерлар билан бирга юрдошимиз Тасия Чурсина ҳам ўз композициясини намоиш этди.

Халқаро фестивалнинг айрим иштирокчилари "Жаҳон" ахборот агентлиги учун берган интервьюлари чоғида мазкур тадбирлардан орттирган таассуротларини ўртоқлашдилар.

Регина Пестя, "Verbumlandia" Халқаро маданий уюшмаси президенти:

– Уюшмамиз мода, кинематография ва журналистикани илгари суриш билан ҳам шуғулланади. Биз кўпгина мамлакатлар, жумладан, Ўзбекистон билан ҳам ўзаро ҳамкорликда иш олиб борамиз. Бу йўналишдаги муносабатларимизни янада мустаҳкамлашга ниятдамиз.

Ўзбек халқи бой маданий мерос ва замонавий ижодий салоҳият соҳибидир. Шу боис уюшмамиз Ўзбекистоннинг санъат арбоблари, шoir, ёзувчилари билан ҳамкорлик қўллари кенгайтиришни режалаштирмоқда. Ўзбекистонда мусиқа санъатини ривожлантириш, муомтаз миллий мусиқа аъёнларини келгуси авлодлар учун авайлаб асраш борасида олиб борилаётган эзгу ишлар юкори баҳога лойиқдир.

Ишончим комилки, ушбу халқаро фестивал сингари маданий лойиҳаларнинг ҳаётга татбиқ этилиши мамлакатларимиз ўртасидаги икки томонлама муносабатларини мустаҳкамлашга қўмақлашди.

Алессандро Маркучи Пиноли, "VIP Hotels" меҳмонхоналар тармоғининг раҳбари:

– Икки халқ маданий жиҳатдан бир-бирини тўлдирishi нуктаи назаридан ушбу санъат фестивали барчамизга катта қувонч бағишлади. Унинг ўзига хослиги шундаки, мазкур маданий анжуман турли тадбирларни қамраб олди. Уларда Ўзбекистоннинг мазмунан бой маънавий маданияти яқол намоён бўлди.

Мен Тошкент, Самарқанд сингари аjoyиб шаҳарларингизда бўлганман. Ўзбекистоннинг тарихий шаҳарлари Италияда ҳам таниқли ва сеvimли. Умид қиламанки, бугун бўлиб ўтган кўшма анжуман ҳам мамлакатларимиз ўртасидаги ўзаро алоқалар қўламлигининг янада кенгайishiга хизмат қилади.

"Жаҳон" АА

2017 йил – Халқ билан мулоқот ва инсон манфаатлари йили

ФУҚАРОЛАР МУРОЖААТИ ДОИМИЙ ЭЪТИБОРДА

Мамлакатимизда барча давлат органлари фуқаролар билан беvosита ва доимий мулоқот ўрнатишга алоҳида эътибор қаратмоқда.

www.standart.uz сайтида "Ўзстандарт" агентлиги бош директорининг виртуал қабулхонаси ишга туширилиши натижасида фуқаролар стандартлаштириш, метрология, синов ва сертификатлаштириш фаолиятига оид масалалар, муаммолар, ариза, шикоят ёки тақлифлар билан агентлик раҳбарига тўғридан тўғри мурожаат қилиш имкониятига эга бўлди.

Сайт орқали онлайн мурожаат юбориш шакли ҳамма учун тушунарли ва содда тузилган. Мурожаатлар ўз вақтида ҳамда ижобий қўриб чиқиши учун ҳар бир масала алоҳида ва тушунарли тилда йўлланishi мақсадга мувофиқдир. Сайтда мурожаат натижасини (жавоб берилган-берилмаганини) текшириш мумкин. Онлайн мурожаатларда электрон рақамли имзо талаб қилинмайди.

Агентлик марказий аппаратида мурожаатлар билан ишлаш бўйича ишчи гуруҳи фаолият юритмоқда. Ўртдошларимиз томонидан кўтарилган ҳар бир масала агентлик мажлисларида мунтазам муҳокама қилинмоқда ва улар мамлакатимиз қонунчилиги доирасида ҳал этилаётди.

Чилонзор тумани, Чилонзор қўчаси, 85-уй, 118-хонадонда истикомат қилувчи Фазилдин Мухаммадиев "Ўзбекикомбинат" ветеринария қорхонасида ишлаб чиқарилаётган дори воситаларини хорижий давлатларга экспорт қилиш учун сертификат олиш қоидаларини сўраб, "Ўзстандарт" агентлигига мурожаат қилган.

– Агентликдан махсулотларни хорижий давлатларга экспорт қилиш тартиби, стандартлаштириш, сертификатлаштириш, махсулотни ёриқлаш ва қадоқлаш талаблари ҳақида батафсил маълумот олдим, – дейди ЎЗА мухбирига Ф.Мухаммадиев. – АҚШ, Буюк Британия, Германия, Франция, Польша, Греция, Япония, Миср, Ҳиндистон, Хитой, Россия, Беларусь ва бошқа мамлакатларда бу борада жорий этилган тартиблар ҳақидаги маълумотга ҳам эга бўлдим.

Фуқаролар "Ўзстандарт" агентлигига (+998 71) 150-23-00 телефон рақами орқали ҳам мурожаат қилиши ва саволларига жавоб олиши мумкин.

Ш.МАМАТУРОВА



МАМЛАКАТИМИЗДА

• Андижонда Андижон ва Самарқанд вилоятларида ўз йигитлик бурчини ўтаётган аскарлар ва уларнинг ота-оналари иштирокида "Менинг ўғлим – Ватан ҳимоячиси" деб номланган видеомулоқот бўлиб ўтди. Ўзбекистон Республикаси Мудофаа вазирлиги, Андижон ва Самарқанд вилоятлари ҳокимликлари ҳамкорлигида ташкил этилган тадбирда Ватан ҳимояси – мукаддас бурч экани, Биринчи Президентимиз раҳнамолигида Ўзбекистон мудофаа қудратини юксалтириш борасида амалга оширилган изчил ислохотлар жараёнида ҳарбий хизматчилар учун барча шароит яратилгани таъкидланди.

• Термизда Ўзбекистон Республикаси Қуролли Қучлари ташкил этилганининг 25 йиллиги ҳамда Ватан ҳимоячилари кунига бағишлаб "Аскар оналарини шарафлаймиз!" деб номланган тадбир бўлиб ўтди.

Сурхондарё вилояти ҳокимлиги, вилоят хотин-қизлар кўмитаси, вилоят мудофаа ишлари, маданият ва спорт ишлари бошқармалари ҳамкорлигида ташкил этилган тадбирда мудолати ҳарбий хизматни ўтаётган аскарлар ва мустақиллик йилларида ҳарбий хизматни ўташ чоғида ҳалок бўлган аскарларнинг оналари, ҳарбий хизматчилар, жамоат ташкилотлари вакиллари, оммавий ахборот воситалари ходимлари иштирок этди.

• Қорақалпоғистон Республикаси Элликқалъа туманида ўтказилган меҳнат ярмаркасида 132 қорхона, ташкилот ва муассаса 386 бўш иш ўрни билан иштирок этди. Меҳнат ярмаркасида тадбиркорлик билан шуғулланиш истагини билдирган ёшларни қўллаб-қувватлашга алоҳида эътибор қаратилди. 15 нафар коллеж битирувчисига банклардан имтиёзли кредит олиш учун сертификат топширилди. Худди шундай меҳнат ярмаркаси Нукус шаҳрида ҳам ўтказилди.

• Ўзбекистон Республикаси Мудофаа вазирлиги, Бухоро вилояти ҳокимлиги ҳамкорлигида Қорақўл туманида ўз йигитлик бурчини ўтаётган аскарлар ва уларнинг ота-оналари иштирокида "Биз она Ватанимиз истиклолининг ҳимоясига

ҳамиша тайёр турмоғимиз керак!" деб номланган тадбир ўтказилди.



• Таиланд ҳукумати мамлакатда бир неча кундан буюн тинмай ёғайган ёмғир туфайли эълон қилинган фавқулодда ҳолатга фожиа мақомини берди. Зеро, қучли сув тошқинлари натижасида мамлакатнинг 14 вилояти сув остида қолган, табиий офат туфайли 10 киши ҳалок бўлган, бир миллион аҳоли уй-жойидан ажраган, 60 дан ортиқ кўприкларга жиддий шикаст етган. Табиий офат натижасида қўллаб авторейслар бекор қилинганлиги туфайли хорижлик сайёҳлар ҳам ўз Ватанларига қайтиб кетишнинг иложини тополмаёттилар.

• АҚШнинг Калифорния штати ва бошқа гарбий соҳилларига тўфон хуруж қилиши натижасида фавқулодда ҳолат эълон қилинди.

• Кеча Шимолӣ Американинг Лос-Анжелес шаҳрида кино оламидаги энг нуфузли кўриклардан бири – "Олтин глобус" танлови голибларини тақдирлаш маросими бўлиб ўтди. Ўнда якунланган йилнинг энг яхши фильмлари ва энг иктидорли актёрларга "Олтин глобус" мукофотлари топширилди.

АФГОНИСТОН ДЕЛЕГАЦИЯСИНИНГ УЧРАШУВЛАРИ

Ўзбекистон Республикаси ташқи ишлар вазири Абдулазиз Комилов 9 январь куни Тошкентда Афғонистон Ислон Республикаси ташқи ишлар вазири ўринбосари Ҳикмат Халил Карзай билан учрашди, дея хабар беради ЎЗА.

Мулоқот чоғида мамлакатларимиз ўзаро ҳамкорликни янги босқичга кўтаришдан манфаатдор экани таъкидланди. Икки томонлама алоқаларнинг бугунги ҳолати ва истиқбол юзасидан фикр алмашилди.

Ўзбекистон Афғонистондаги қурилиш, энергетика, тоғ-кон саноати ва таълим соҳаларидаги лойиҳаларда иштирок этиб келмоқда. “Ўзбекистон темир йўллари” акциядорлик жамияти томонидан Хайратондан Мозори Шарифгача темир йўл линияси қурилган. Мамлакатимизнинг кўмаги билан Афғонистонда кўприклар, юқори вольтли электр линиялари, оптик толалар кабелъ линиялари, сув таъминоти тармоғи барпо этилган. Мамлакатларимиз ўртасидаги ҳамкорликни янада ривожлантириш учун ҳали фойдаланилмаган имкониятлар кўп.

Учрашувдан сўнг Ўзбекистон – Афғонистон сиёсий маслаҳатлашувларининг биринчи раунди бўлиб ўтди.

Тадбирда мамлакатларимиз ўртасидаги сиёсий, савдо-иқтисодий, транспорт коммуникациялари, маданий-гуманитар каби соҳалардаги алоқаларни ривожлантириш, шунингдек, халқаро ташкилотлар доирасидаги ҳамкорлик, минтақавий ва халқаро аҳамиятга молик долзарб масалалар муҳокама қилинди.

Афғонистон делегацияси Ўзбекистон Республикаси Ташқи иқтисодий алоқалар, инвестициялар ва савдо вазирлигида ҳам музокара ўтказди.

Н.МАНЗУРОВА

Мамлакатимизда фуқароларнинг меҳнат ҳуқуқлари таъминланиши учун барча шарт-шароит яратилган. Ҳар йили бандлик дастури доирасида юзлаб янги иш ўрни яратилиб, юртдошларимизнинг муносиб шароитларда самарали меҳнат қилиши учун кенг кўламли ислохотлар амалга оширилмоқда.

2016 йил 28 ноябрда қабул қилинган “Қасаба уюшмалари, уларнинг ҳуқуқлари ва фаолиятининг кафолатлари тўғрисида”ги Ўзбекистон Республикаси қонунига ўзгартишлар киритиш ҳақида”ги қонун ҳодимлар учун муносиб меҳнат шароитларини таъминлаш, қасаба уюшмалари фаолиятини янада такомиллаштиришга хизмат қилади. Қонунга киритилган ўзгартишлар ва унинг мазмун-моҳияти ҳақида **Ўзбекистон Республикаси Олий Мажлиси Қонунчилик палатаси депутати Шерзод КУЛМАТОВ** ЎЗА мухбирига қуйидагиларни сўзлаб берди.

– Мазкур қонунни тайёрлашда Бирлашган Миллатлар Ташкилотининг инсон ҳуқуқлари соҳасидаги ҳужжатлари, Халқаро меҳнат ташкилотининг Ўзбекистон томонидан ратификация қилинган конвенциялари ҳамда 15 дан ортиқ давлат тажрибаси эътиборга олинган.

Ўзбекистон Республикасининг “Қасаба уюшмалари, уларнинг ҳуқуқлари ва фаолиятининг кафолатлари тўғрисида”ги қонуни 1992 йил 2 июлда қабул қилинган бўлиб, қонун йиғирма икки модалдан иборат. Мазкур қонунга 2016 йилнинг 28 ноябрь куни бир қатор ўзгартишлар киритилиб, ундаги асосий нормалар қасаба уюшмаларини тузиш, уларни тугатиш тартиби, фаолиятнинг ташкилий-ҳуқуқий асосларини такомиллаштиришга қаратилган.

Қонунга мувофиқ ходимлар, олий ва ўрта махсус, касб-хунар таълими муассасаларида таълим олаётган шахслар ҳамда иш билан таъминланган бошқа шахслар ҳеч қандай қўшимчасиз ва олдиндан рухсат олмай тузиб, илтифрий равишда қасаба уюшмаларини тузиш ҳуқуқига эга. Барча корхоналар, муассасалар ва ташкилотларда, яқка тартибдаги тадбиркорлик ва ўзга меҳнат фаолияти амалга оширилаётган бошқа иш жойларида ишлаётган ходимлар камида уч нафар бўлганда, уларнинг ташаббуси билан қасаба уюшмаларини тузишга ҳақли эканлиги белгилаб қўйилган.

Мазкур қонунда ходимни ишга қабул қилиш, хизмат поғоналарига кўтариш, у билан меҳнат шартномасини бекор қилиш учун муайян қасаба уюшмасига аъзо эканлигини, унга киришни ёки ундан чиқишни шарт қилиб қўйиш тақиқланган.

Қасаба уюшмаси фаолиятини тугатиш устасида белгиланган тартибда унинг ваколатли органи қарорига кўра амалга оширилиши, агар Ўзбекистон Республикасининг халқаро шартномасида Ўзбекистон Республикасининг қасаба уюшмалари, уларнинг ҳуқуқлари ва фаолиятининг кафолатлари тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилиши кўрсатиб ўтилган.

қонун ҳужжатлари асосида жамоа шартномасида белгиланган чора-тадбирларини тақлиф этиши белгилаб берилган.

Қасаба уюшмалари аҳолини иш билан таъминлашнинг ҳолати ва аҳолини иш билан таъминлаш тўғрисидаги қонун ҳужжатларига риоя этилиши юзасидан жамоатчилик назоратини олиб боради. Бунда жамоа шартномасида, келишувидида меҳнат шартномасини иш берувчининг ташаббуси билан бекор қилиш учун қасаба уюшмаси

Янги қонун кучга кирди

МЕҲНАТ ҲУҚУҚИ КАФОЛАТЛАРИ ЯНАДА КУЧАЯДИ



Қонунда Ўзбекистон Қасаба уюшмалари федерацияси меҳнатга ва бошқа ижтимоий-иқтисодий масалаларга доир норматив-ҳуқуқий ҳужжатларни ишлаб чиқишда иштирок этиш ҳуқуқига эга эканлиги белгиланган. Қасаба уюшмалари федерацияси меҳнатга ва бошқа ижтимоий-иқтисодий масалаларга доир норматив ҳужжатларни қабул қилиш тўғрисидаги тақлифларни тегишли давлат органларига киритиш ҳуқуқига ҳам эга.

Қонунда ишчи-ҳодимлар манфаатларини кўзлаб, қасаба уюшмалари ўз аъзоларининг меҳнат ҳуқуқини ҳимоя қилиши, иш билан таъминлаш борасидаги давлат сиёсатини ишлаб чиқишда иштирок этиши ҳамда ташкилотларда ишдан бўшатиладиган ходимларни ижтимоий ҳимоя қилишнинг

қўмитасининг олдиндан розилигини олиш назарда тутилган бўлса, бундай розилишни олмай тузиб шартномани бекор қилишга йўл қўйилмаслиги кўрсатиб ўтилган.

Қасаба уюшмалари иш берувчи томонидан меҳнат ва қасаба уюшмалари, уларнинг ҳуқуқлари ва фаолиятининг кафолатлари тўғрисидаги қонун ҳужжатлари нормаларига риоя этилиши устидан жамоатчилик назоратини амалга ошириб, аниқланган ҳуқуқбузарликлар бартараф этилишини талаб қилишга ҳақли. Иш берувчи қонун ҳужжатлари бузилишларини бартараф этиш тўғрисидаги тақдимномаларни кўриб чиқиши ва кўриб чиқиш натижалари ҳақида қасаба уюшмасига ўн беш кунлик муддат ичида хабар бериши шартлиги киритилган.

Қонунда белгиланганидек, иш берувчилар, уларнинг бирлашмалари жамоа шартномалари, келишувлари шартларини бузувчи қарор қабул қилган тақдирда, қасаба уюшмалари ушбу қондабузарликларни бартараф этиш тўғрисида тақдимнома киритишга ҳақли, бу тақдимнома бир ҳафталик муддатда кўриб чиқилади. Бунда ходимларнинг ҳуқуқлари ва қонуний манфаатларини ҳимоя қилишга ҳамда иш берувчи ва меҳнат жамоаси ёки қасаба уюшмаси ўртасида келиб чиқадиган низоларни ҳал этишга доир масалалар қонун ҳужжатларига мувофиқ кўриб чиқилади.

Қонундаги яна бир асосий нормалардан бири қасаба уюшмалари миграция, иш билан таъминлаш, меҳнат, нарх белгилаш ва ижтимоий таъминот масалаларига доир Ўзбекистон Республикасининг халқаро шартномаларини тузишда қонун ҳужжатларида белгиланган тартибда иштирок этиши мумкин. Иш берувчилар ва мансабдор шахслар қасаба уюшмаларининг ҳуқуқларига риоя этиши, уларнинг фаолиятига кўмаклашиши шарт. Улар қасаба уюшмаларининг ҳуқуқларини бузганлик ёки уларнинг қонуний фаолиятига тўсқинлик қилганлик учун қонунда белгиланган тартибда жавобгар бўлади.

Қонунда қасаба уюшмалари сайлаб қўйиладиган органларининг ишлаб чиқаришдаги ўз ишидан озод қилинмаган аъзоларига жамоа шартномасида, келишувидида белгиланган шартларга кўра жамоа манфаатларини кўзлаб жамоатчилик вазифаларини бажариши учун ўртача иш ҳақи сақланган ҳолда ишдан бўш вақт берилади, қасаба уюшмасининг қисқа муддатли ўқуви вақтида ҳам уларнинг ўртача иш ҳақи сақлаб қолиниши акс эттирилган.

Бундан ташқари, қасаба уюшмалари органларидаги сайлаб қўйиладиган лавозимларга сайланганлиги туфайли ишдан озод қилинган ходимларга уларнинг сайлов ваколатлари тугаганидан сўнг аввалги иши, лавозими берилади, бундай лавозим мавжуд бўлмаган тақдирда ўша ташкилотда ёки ходимнинг розилиги билан бошқа ташкилотда аввалгисига тенг бошқа иш берилади.

Хулоса қилиб айтганда, мазкур қонуннинг қабул қилиниши қасаба уюшмалари эркинлигининг кафолатларини мустаҳкамлаш, ижтимоий-меҳнат соҳасида қонунийликни таъминлаш ва жамоат назоратини янада такомиллаштиришга хизмат қилади.

Гўзал САТТОРОВА
ёзиб олди

ҚИШ ТАЙЁРГАРЛИКНИ ЁҚТИРАДИ

Бугунги кунда Чилонзор туманида 1150 та кўп қаватли уйлар бўлиб, уларга 358 та хусусий уй-жой мулкдорлари ширкатлари хизмат кўрсатади. 37 та бошқарув-сервис компаниялари ширкатлар билан шартнома асосида иш олиб боради.

Чилонзор тумани коммунал таъмирлаш ва аварияни тиклаш хизмати раҳбари, куз-қиш мавсумига тайёргарлик кўриш штаби бошлиғи Равшан Эргашевнинг таъкидлашича, ҳукумат қарори асосида 2016-2017 йил куз-қиш мавсумига тайёргарлик доирасида бир қатор ишлар қилинди. Айтиш жоизки, бу борада 19 та йўналиш бўйича ишлар режалаштирилган бўлиб, тижорат банкларида имтиёзли кредитлар ажратилди. Биргина, 2016 йилда 18 миллиард 646 млн. сўм имтиёзли кредит олиниши кўзда тутилган ҳолда амалда 16 миллиард 952 млн. сўм олиниб, кўп қаватли уйлар йўлакларини, фасадларини ҳамда атрофларини таъмирлашга сарф қилинди. Дастур асосида 18 минг 810 квадрат метр томни мукамал таъмирлаш ишлари режалаштирилган бўлиб, амалда режа 94 фоизга бажарилди. Ундан ташқари кириш эшикларини таъмирлаш, темир эшиклар ўрнатиш, уларга кодли қулфлар ўрнатиш, кўп қаватли уйларнинг олдини замон талабига мос қилиб бетон қопламаси билан қоплаш ишларига алоҳида эътибор қаратилди. Бундан ташқари кириш йўлакларидидаги фрамугларни замонвий акфа-ромларга алмаштириш ишлари амалга оширилди. 9 қаватли ва ундан юқори бўлган уйларнинг лифтини жорий таъмирлаш ишлари доирасида 83 та лифт таъмирланди.

— 2017 йилнинг “Халқ билан мулоқот ва инсон манфаатлари йили” деб эълон қилиниши муносабати билан туманимизда бир қатор ишлар олиб борилмоқда, — дейди Равшан Эргашев. — Шундан келиб чиқиб, туман ҳокимияти биносидида, корхона ва ташкилотларда халқ қабулхоналари ташкил этилди. Аҳолидан тушаётган ҳар бир мурожаат эътиборсиз қолаётгани йўқ. Зарур техника ва мутахассислар билан таъминланган 37 та бошқарув компаниялари куз-қиш мавсумини бетавафот ўтказишга бош-қош бўлмоқда. Тумандаги “Чин бахт сервис”, Азиз Обидов, “Дадил қадам сервис”, “Меҳржон коммуналчи биринчи” ХУЖМШлари ўз ишчи яхши ташкил этган ширкатлардан ҳисобланади.

Айни қиш мавсумида иссиқлик тизимининг бир маромда узатилишига алоҳида эътибор берилаяпти. Бу борада тумандаги коммунал соҳа вакиллари ҳамкорликда иш олиб бораётгани эътиборга молик. Аҳолининг газ, электр, иссиқ сув, совуқ сув, иссиқлик тизими билан бир маромда таъминланиши штаб томонидан доимий назоратга олинган.

“Тошискикувати” ИЧБ УКСининг Чилонзор туман бўлими раҳбари Мухиддин Мўминовнинг эътирофи этишича, туманда иссиқлик қувурлари марказлашган иссиқлик тизимига уланган. Корхона томонидан 1150 та кўп қаватли уйларга, 55 та МТМ, 33 та мактаб, корхона ва ташкилотларга иссиқлик бир маромда узатилаяпти. Чилонзор туманида иссиқлик қувурлари 162 км.ни ташкил қилади. 2016-2017 куз-қиш мавсумига тайёргарлик бўйича 6-7 км. атрофида иссиқлик қувурлари, насос станциялари мукамал таъмирланди. Хаводан ўтган 9,2 км.ли иссиқлик қувурлари изоляция қилинди. Ширкатлар билан тузилган шартнома асосида иссиқлик белгиланган меъёрда етказиб берилмоқда.

— Чилонзор тумангаз фойдаланиш хизмати томонидан куз-қиш мавсумига тайёргарлик бўйича белгиланган вазифалар ўз вақтида бажарилди, — дейди Чилонзор тумангаз техник бўлими катта устаси Дониёр Мухиддинов. — Режа бўйича 134 та газ таскилмаш пунктлари бўлиб, ҳаммаси техник назоратдан ўтказилди. 36 ГРП, 8 минг погонметр газ қувурлари бўлиди, зупфинлар таъмирланиб, техник тафтишдан ўтказилди. Дилхуш кўчасида газ босимини яхшилаш юзасидан 200 погонметр газ қувури халқалаб берилгани боис бугунги кунда аҳоли хонадонларига газ бир маромда етиб бормоқда. Ёнғин хавфсизлиги кунлари давомида Чилонзор тумани ёнғин хавфсизлиги бўлими ходимлари билан биргаликда дуд-буронларни текшириш ишлари амалга оширилди.

Туман электр тармоқлари корхонаси томонидан ҳам куз-қиш мавсумига тайёргарлик жараёнида бир қатор ишлар қилинди. Бош хандис Эркин Турдиевнинг айтишича, қишга тайёргарлик дастури доирасида 75 та ТП мукамал, 85 та ТП жорий таъмирдан чиқарилди. ТПлар атрофини тозалаш ва бўяш ишлари олиб борилди. Тўловлар бўйича ҳам мунтазам иш олиб борилаётган. Ўтган йилнинг мос ҳолатига нисбатан қарздорлик бирмунча камайган. Бу борада аҳолига тушунтириш ишлари олиб борилаяпти.

Чилонзор тумани кўп қаватли уйлари атрофида бўлиб, аҳоли билан суҳбатлашганимизда газ, электр, иссиқ сув, совуқ сув, иссиқлик тизими етказиб бериш борасида муаммолар бўлмаётганини айтишди.

Хулоса қилиб айтганда, Чилонзор туманида коммунал соҳа корхоналари куз-қиш мавсумига етарлича тайёргарлик кўрганлиги боис мавсумда жиддий муаммолар учрамаяпти. Ҳали қиш фасли тугашига икки ой вақт бор. Бу эса коммунал соҳа ходимларининг янада масъулияти ва эътиборли бўлишини талаб этади.

Ш.ЗОКИРОВ

Ўзбекистон – мустақил Ватанимиз, миллий армиямиз фахру гуруримиз!

Ватанимиз тараққиёти, тинч ҳаётимиз ҳақида фикр юритар эканмиз унинг мустақам ва ишончли кафолати бўлиб хизмат қилаётган Қуролли Кучларимизни албатта тилга оламиз. Халқимизнинг бахтли, саодатли яшашида, фуқароларимизнинг тинч-осойишта ҳаётини ишончли ҳимоя қилишда Миллий армиямиз ва она Ватанимиз сарҳадларини туну кун сергаклик билан қўриқлаётган мард ва жасур ўғлонларнинг муносиб ҳиссалари бор.



МЕНИНГ ЎҒЛИМ ВАТАН ҲИМОЯЧИСИ

Айни кунларда Ўзбекистон Республикаси Қуролли Кучлари ташкил этилганлигининг 25 йиллиги ва Ватан ҳимоячилари кўни байрамига тайёргарлик кўриш ва уни ўтказиш мақсадида "Ўзбекистон – мустақил Ватанимиз, миллий армиямиз фахру гуруримиз!" шiori остида маданий-маърифий тадбирлар, учрашувлар бўлиб ўтмоқда.

Тошкент шаҳар ҳокимлигида "Менинг ўғлим – Ватан ҳимоячиси" шiori остидаги Тошкент ва Фарғона шаҳар ҳокимликлари ҳамда бир қатор ташкилотлар ҳамкорлигида ўтказилган видео мулоқот ҳам шулар жумласидандир.

Фарзанди Фарғона вилоятида муддатли ҳарбий хизматни ўтаётган тошкентлик ота-оналар ва мафтункор водийдан келиб, пойтахтимизда йигитлик бурчини ўтаётган аскарлар ота-оналари, яқинлари билан видео мулоқот орқали дийдорлашди.

Тадбирда сўзга чиққанлар мамлакатимиз мудофаа қудратини янада мустаҳкамлаш, сарҳадларимиз дахлсизлигини таъминлаш мақсадида миллий армиямизда амалга оширилган кенг кўламли ислохотлар самаралари, ҳарбийлик касбининг нуфузи тобора ортиб бораётгани, ёшларнинг ҳарбий хизматга бўлган

интилиши, Ватан ҳимоячиси бўлиш ҳар бир йигит учун муқаддас ва шарафли ишга айланаётганини алоҳида таъкидлашди.

Ўтказилаётган тадбирлар, учрашув ва суҳбатларда ёшларга миллий манфаатларимизга тўла жавоб берадиган, бутун дунёда "Ўзбек модели" деган ном билан тан олинган тараққиёт стратегияси амалга оширилгани ва у бугунги кунда биз танлаган ривожланиш йўлининг нақадар тўғри ва ҳаётий эканлигини тасдиқлаб бераётгани, Ватан ҳимояси муқаддас бурч экани, Қуролли Кучларимизнинг бугунги салоҳияти ҳаётий мисоллар асосида тушунтирилмоқда.

Авваломбор, шу ерда йиғилган Ватан ҳимоячилари, ҳарбий зобитлар ва аскарларимизни, Фарғона вилоятидан биз билан боғлиқ турган барча аскар йигитларимиз, уларнинг командирларини яқинлашиб келаётган – Ватан ҳимоячилари кўни билан чин кўнгилдан, самимий табриклаймиз, – деди Тошкент шаҳар ҳокими ўринбосари, шаҳар хотин-қизлар қўмитаси раиси Ф. Абдурахимова. – Бундай тадбирлар ҳарбий хизматчиларнинг ва уларнинг яқинларининг фикр-мулоҳазаларини бойитиш, атроф-

да рўй бераётган ҳодисаларга дахлдорлик ҳиссини, фаол ҳаётий позициясини шакллантиришга, бирдамлик, ҳамкорлик ришталарини, меҳр ва оқибатни кучайтиришга хизмат қилади.

Ота-оналар ва аскарларнинг экран орқали суҳбати ҳаяжонли ва қувончли лаҳзаларга бой бўлди. Мулоқотда аскарлар ҳарбий хизматни кўнгилдагидек ўтаётгани, ҳарбий билим ва кўникмаларни пухта ўзлаштириётгани, жисмоний чиниқш учун барча шароитлар яратиб берилганини фахр билан сўзлади.

Ёшларимиздан аскар бўлишни, ҳарбий кийим кийишни орзу қилардим, – дейди оддий аскар Камронбек Абдуқаров. – Бугун ана шу мақсад йўлида она Ватанимизга хизмат қилаётганимдан жуда ҳам мамнунман. Чунки Ватан ҳимоячиси деган шарафли номга сазовор бўлиш ҳар бир йигитнинг орзуси ва шу билан бирга муқаддас бурчи ҳисобланади. Армияда мардлик, жасурликдан сабоқ олиш билан бирга, она юртимизга бўлган муҳаббатимиз янада ошди. Жаннатмақом Ўзбекистонимизга муносиб фарзанд бўлиб, ота-онанинг ишончини оқлаб, ёруғ юз билан бағирларига қайтаман.

– Биз фарзандимиз билан видео мулоқот орқали дийдор кўришишдек имконият берилгани учун Тошкент шаҳар ҳокимлигига ва барча ташкилотчиларга ота-оналар номидан миннатдорчилик билдирамиз, – дейди Фарғонада ўз йигитлик бурчини ўтаётган оддий аскар Нодир Исмоиловнинг онаси Маҳмуда опа. – Шундай шарт-шароитларни яратиб берган давлатимизга раҳмат. Ўғлим билан фахрланамиз. Ҳарбий хизматда янада чиникиб, тобланибди. Ватан ҳимоячисининг онаси бўлиш нақадар шарафли эканини бугун яна бир бор тегарак қилдим. Бугунги тадбир бизга байрам совғаси бўлди. Ўғлимни ва унинг барча сафдошларини ушбу муборак сана билан табриклаймиз.

Аскарларимизнинг ота-оналари, яқинлари билан ўтказилган видео мулоқот жуда ҳаяжонли дақиқаларга бой бўлиб, байрамона кайфиятда, кўтаринки руҳда ўтказилди.

Тадбир доирасида аскарлар ва уларнинг ота-оналарига эсдалик совғалари, ташаккурнома ва фахрий ёрликлар топширилди. Дилрабо куй-қўшиқларга йўрилган байрам тадбири барча иштирокчиларга бирдай манзур бўлди.

Гулҳебра ДУРДИЕВА
СУРАТЛАРДА: тадбирдан лавҳалар
Ислом Исмоилов олган суратлар

САЛОМАТЛИК ВА ФАРОВОНЛИК – ОЛИЙ МАҚСАД

Мамлакатимизда инсон саломатлигини мустаҳкамлаш билан боғлиқ кўплаб чора-тадбирлар ҳаётга изчил татбиқ этилмоқда. Айниқса, оналик ва болаликни муҳофаза қилиш давлат сиёсатининг стратегик йўналишларидан бири бўлиб, миллат генофондини яхшилаш, оилада тиббий маданиятни юксалтириш, аҳолининг турмуш фаровонлиги ва узок умр кўриш даражасини оширишдек улғувор мақсадларга алоҳида эътибор қаратилган.

Пойтахтимиздаги Наврўз тантаналар уйида Малайзиянинг "GANO EXCEL" корпорацияси ва шаҳримизда фаолият олиб бораётган "GANO SHIFO" маъсулияти чекланган жамият ташаббуси билан "Саломатлик ва фаровонлик – олий мақсадимиз" мавзусида тадбир ташкил этилди. Унга республикамиз ҳудудларидан ташриф буюрган бир ярим мингдан ортиқ жамият аъзолари ва истеъмолчилар тақдир этилди.

Тадбирда сўзга чиққанлар мамлакатимизда соғлиқни сақлаш тизимида амалга оширилаётган ислохотлар, бу борада қабул қилинган Қонунлар ўз самарасини бераётганлигини таъкидлашди. Айниқса, 2010 йилда қабул қилинган "Аҳоли ўрта-сида микронутриентлар етишмаслиги профилактикаси тўғрисида"ги Қонун муҳим аҳамиятга эга бўлмоқда.

Ушбу Қонунда "микронутриентлар – инсон организмнинг нормал ўсиши ва ривожланиши учун зарур бўлган, ўрнини бошқа ҳеч нарса боса олмайдиган озиқ-овқат моддалари микронутриент етишмаслиги – инсон организмнинг озиқ-овқат билан тушадиган микронутриентлар етарли эмаслиги сабабли касалликларнинг ривожланишига олиб келадиган ҳолат", деб изоҳланган.

"GANO SHIFO" маъсулияти чекланган жамияти ушбу Қонун қабул қилинган дастлабки кунлардан кўни ижросини таъминлашга астойдил киришди ва Ўзбекистон Республикаси Қонунларида мисол сифатида "GANO EXCEL" корпорацияси билан ҳамкорлик қилиб келмоқда. Бу компания 1995 йилдан бундан 4 та йўналишда фаолият олиб боради, юздан зиёд давлатларда ўз истеъмолчиларига эга, – дейди "GANO SHIFO" маъсулияти чекланган жамияти бош директори Лазиза Акбарова.

– "GANO EXCEL" корпорацияси Президенти жаноб Леау Сунг Сен 2016 йилнинг октябры ойида Бирлашган Миллатлар Ташкилотининг Бош котиби тавсиясига биноан "ЭЗГУЛИК ЭЛЧИСИ" этиб тайинланди ва БМТ қошидаги UNITAR институтининг доимий ҳамкорига айланди. Ташкилотимиз Ўзбекистон Республикаси Фанлар Академиясининг иммунология институти, Тошкент Давлат тиббиёт Академияси, Ўзбекистон шифокорлар Ассоциацияси, Ўзбекистон Валеологлар Ассоциацияси, ИБН Сино Жамғармаси ва бошқа идоралар билан ҳамкорликда иш олиб бормоқда. Ўтган 2016 йил давомида республикамизнинг барча ҳудудларида "Ихтимойий шерикчилик" Қонун асосида тегишли идоралар, маҳалла фаоллари, вилоят, туман раҳбарлари, депутатлар билан ҳамкорликда "Саломатлик ўз қўлингизда" шiori остида маънавий-маърифий ва амалий семинарлар ўтказилди.

Бугунги кунда "GANO EXCEL" корпорациясининг ноёб, дунёда тенги йўқ юз фоиз табиий маҳсулотларидан республикамизда 80 мингдан зиёд истеъмолчи ўз соғлигини мустаҳкамламоқда. Жамият ўз фаолиятида "Ўзоз-шоғирд" услублари ва принциплари асосида бепул касб-хунар ўргатиб келади. Ҳозирга келиб жамиятда яқка тартибда фаолият олиб бораётган тадбиркорлар сони 300 кишидан ошиб кетди.

– Ўзим шифокорман. Бугунги тадбирда иштирок этиш учун Қўқон шаҳридан ташриф буюрдим, – дейди яқка тартибдаги тадбиркор Наргиза Маҳамдова. – Биз 2010 йилдан бундан Малайзиянинг "GANO EXCEL" корпорацияси билан шартнома асосида иш олиб бораёмиш. Ўз фаолиятимизда ҳар битта оилага микронутриентларни олиб киришга, уларнинг соғлигини тиклашга ўз ҳиссамизни қўшиб келмоқдамиз. Тадбирда ташкилотчилар томонидан 2016 йилда ўзига хос муваффақиятларга эришган яқка тартибдаги тадбиркор ва истеъмолчиларга фахрий ёрлик ҳамда эсдалик совғалари топширилди. Санъаткорлар ижросидаги куй-қўшиқлар тадбирга алоҳида фойда бағишлади.

Шаҳноза АБДУЛАЗИЗОВА,
Олмасор енгил саноат касб-хунар
коллежи ўқитувчиси

Қарор ва ижро

ЭЛ СОҒЛИГИ – ЮРТ БОЙЛИГИ

Ўзбекистон Республикаси Президенти Шавкат Мирзиёевнинг 2016 йил 31 октябрдаги "Аҳолини дори-дармон воситалари ва тиббиёт буюмлари билан таъминлашни янада яхшилашга доир чора-тадбирлар тўғрисида"ги Қарори бу соҳадаги ишларни янги босқичга кўтаришда муҳим ҳуқуқий асос бўлди.

"Ўзфармсанот" давлат акциядорлик концерни тизимидаги корхоналарда ишлаб чиқариш жараёнини замонавийлаштириш, халқаро сифат менежменти тизимини жорий этиш бўйича кўплаб лойиҳалар амалга оширилмоқда. Концерн таркибига кирувчи "Radiks" илмий ишлаб-чиқариш корхонаси 2002 йилдан бундан фаолият олиб бормоқда.

Бугунги кунда корхона антибиотиклар, инфузия эритмалари ва бошқа 130 турдаги препаратларни ишлаб чиқараётди. Дори-дармонлар замонавий ускуналарда ишлаб чиқарилади, тайёрланаётган маҳсулот сифати устидан қатъий назорат ўрнатилган.

Бу ерда ишлаб чиқариш ҳажми йилдан йилга ошмоқда ва ҳозирги кунда 50 миллиард сўмга етди. Корхонада таркибда инъекцион ва инфузион дори эритмалари, таблетка ва капсулалар, суртма дори воситалари, суппозиторийлар, антибиотикни куруқ қадоклаш ва суюқ дори воситалари ишлаб чиқарувчи цехлар фаолият кўрсатмоқда.

2013 йилда корхонада амалга оширилган инвестиция дастурлари самарасида инфузион эритмалар ва таблетка дори цехлари модернизация қилинди. Ишлаб чиқаришда амалга оширилаётган технология янгиланишлар замонавий, самарали дори турларини ўзлаштириш имконини бераётди. Мазкур корхонада ўтган йили ана шундай янги дори – диклофенак, тиокор каби инъекцион дори, кетопрофен таблеткаси, ампуласи, гели, амброксол таблеткаси ва флюконазол капсуласини тайёрлаш ўзлаштирилди ва тиббиёт амалиётига кенг жорий этилди.

Мазкур корхона ўз маҳсулотларини хорижий мамлакатларга экспорт қилмоқда. Корхона мутахассислари экспорт ҳажми ва жүғрофиясини кенгайтириш мақсадида хорижий мамлакатларда ўтаётган халқаро фармацевтика кўргазмалари ва бошқа тадбирларда фаол иштирок этмоқда.

Кейинги йилларда фармацевтика саноати корхоналарида сифатни бошқариш бўйича менежмент тизимини жорий этиш юзасидан ишлаб чиқилган чора-тадбирлар дастури изчиллик билан ҳаётга татбиқ этилмоқда. Натижада корхона халқаро ISO 9001 сертификатига эга бўлди. "Radiks" илмий ишлаб-чиқариш корхонасида GMP тизими жорий этилмоқда. Бу маҳсулот ишлаб чиқариш ҳажми-

ни ошириш, тизимда сифат ва самарадорликни юксалтириш, халқимизни сифатли дори-дармон билан таъминлаш, энг муҳими, экспорт ҳажмининг йилдан йилга кўпайтириш имконини беради.

– Ўзбекистон бозорига сифатли дори-дармонлар етказиб беришдан ташқари, уларни экспорт қилиш кўламини ҳам кенгайтирмоқдамиз, – дейди корхона раҳбари Абдуфотур Каримов. – Корхонамизда иккита инвестиция лойиҳаси амалга оширилиб, тўрт қаватли янги ишоот ҳамда Марказий Осиёда ягона бўлган – шиша ампула ва флаконни тўлиқ циклда ишлаб чиқариш цехи барпо этилди. Бунинг натижасида корхонамиз қуввати уч баробарга ошди, иш ўринлари икки баробарга кўпайди. Корхонамизда ишлаб чиқарилаётган маҳсулотлар ва биологик фаол қўшимчалар замонавий тиббиётнинг деярли барча соҳалари, хусусан, эндокринология, педиатрия йўналишлари ва қатор касалликларнинг олдини олишда ишлатилади. Бу йил яна бир неча турдаги дори воситалари ишлаб чиқаришни режалаштирганмиз. Мамлакатимизда ўсадиган мингдан зиёд турдаги ўсимликда дориворлик хусусияти мавжуд. Шу боис "Radiks" илмий-ишлаб чиқариш корхонасида маҳаллий хомаш асосида биологик фаол қўшимчалар ва табиий гиёҳлардан сифатли дори-дармон, табиий шифобахш препаратлар ишлаб чиқарилаётди. Фундаментал ва амалий тадқиқотлар маҳсули бўлган асаб касалликларда қўлланиладиган "галантамин", кардиологияда ишлатиладиган "алланин" препаратлари ҳам кенг миқёсда ишлаб чиқарилмоқда. Бугунги кунда корхона маҳсулотлари юртимизнинг барча ҳудудларидаги дорихоналарга етказиб берилмоқда.

Корхонада 420 нафар ишчи меҳнат қилмоқда, унинг 30 фоизи касб-хунар коллежлари битирувчиларидир.

– Болалигимдан фармацевтика соҳасига қизиқаман, – дейди Дилобар Каримжоновна. – Ўтган йили соҳага ихтисослаштирилган коллежни тугатдим. Маҳалламизда жойлашган ушбу корхонада ишлашни орзу қилардим. Ана шу истагим рўёбга чиқди ва дориларни қадокловчи сифатида иш бошладим.

Азиза ҚИЁСОВА,
ЎЗА МУҲБИРИ

РЕКЛАМА ВА ЭЪЛОНЛАР

"VIP REAL ESTATE" МҲЖНИНГ АУКЦИОН САВДОЛАРИГА МАРҲАМАТ!

2017 йил 30 январь кунини соат 11.00 да мулкнинг бошланғич баҳоси босқичма-босқич ошириш тартибидан ўтказилган "Очик аукцион" савдосига ЖИБ Тошкент шаҳар судининг 21.10.2011 йилдаги 1-531/2011-сонли ижро варақасига асосан СИБ Тошкент шаҳар ҳудудий бошқармаси томонидан хатланган қуйидаги мулклар такроран чиқарилмоқда:

Тошкент шаҳри, М.Улугбек тумани, Олтинтепа кўчаси, 202-уйда жойлашган умумий майдони 184,2 кв. метрдан иборат участка биноси:

Бошланғич баҳоси 355 817 000 сўм.

Тошкент шаҳри, М.Улугбек тумани, Подиобог кўчаси, 61-63-уйда жойлашган умумий майдони 1090,0 кв.метрдан иборат 2 қаватли участка биноси:

Бошланғич баҳоси 1 900 129 000 сўм.

Савдога чиқарилган мулклар билан тегишли СИБ бўлими вакили иштирокида бевосита жойига чиқиб танишиш мумкин. Аукцион савдоси голиби савдо ўтган кундан бошлаб 5 (беш) банк кун ичида мулк учун тўловларни амалга ошириши лозим. Аукцион савдоларида иштирок этиш учун талабгорлардан аризалар иш кунлари соат 10.00 дан 16.00 гача қабул қилинади ва аукцион савдосидан бир кун олдин соат 11.00 да тўқатилади. Аукцион савдоларида қатнашиш истагидидаги талабгорлар тузиладиган закатат келишувига асосан мулк бошланғич баҳосининг 10 (ўн) фоизидан кам бўлмаган миқдордаги тўлов ҳужжатида ижро ҳужжати рақами ва санасини кўрсатган ҳолда савдо ташкилотчисининг АТБ "INFBank"даги МФО:01041, ИНН: 302681189, 2020800600250595001 хисоб рақамига тўлашлари ва ариза билан қуйида кўрсатилган ҳужжатларни топширишлари керак: жисмоний шахслардан – паспорт нусхаси; юридик шахслардан – давлат рўйхатидан ўтказилганлиги тўғрисидаги гувоҳнома нусхаси, агар ваколатли шахс қатнашса, ўрнатилган тартибда расмийлаштирилган ишончнома, унинг шахсини тасдиқлайдиган ҳужжат илова қилинган ҳолда закатат пули тўлаганлиги ҳақида тўлов ҳужжати; чет эл юридик ва жисмоний шахслар – сўмдаги маблағларнинг келиб чиқиши қонунийлигини тасдиқлайдиган маълумот. Ҳар бир мулк учун қўшимча хизматлар кўрсатиш учун энг кам ойлик иш ҳақининг 2 баробари миқдорда тўлов олинад. Қўшимча маълумот олиш учун манзил: Тошкент шаҳри, А.Темур 1-тор кўчаси, 6-уй. Телефон: (0595) 143-0-143, e-mail: info@realtors.uz.

Лицензия рақами RR 0173

ҲУРМАТЛИ ПОЙТАХТИМИЗ ФУҚАРОЛАРИ!

Ўзбекистон Республикаси Президенти томонидан 2017 йилнинг "Халқ билан мулоқот ва инсон манфаатлари йили" деб эълон қилинганлиги муносабати билан барча коммунал хизмат кўрсатиш корхоналари қатори, "Тошкентшаҳаргаз" филиали томонидан ҳам табиий газ истеъмолчилари билан яқиндан учрашувлар ташкил қилиб, газ етказиб бериш борасидаги мавжуд муаммоларни жойида ҳал этиш режалаштирилган. Шу сабабли, 2017 йил январь ойи бошидан Тошкент шаҳри табиий газ истеъмолчилари хонадонларида хатлов ишлари олиб борилмоқда.

Сиздан ушбу хатлов жараёнида фаол қатнашиб, мавжуд муаммоларни ҳал этишда биргаликда ҳаракат қилишингизни сўраймиз.

"ТОШКЕНТШАҲАРГАЗ" ФИЛИАЛИ МАЪМУРИЯТИ

Ўзбекистон Жаҳон тиллари университети қошидаги 3-сонли академик лицейи соғлом овқатланишни ташкил этиш мақсадида ошхона буфетини ижарага бериш учун тендер

ТАНЛОВИ ЭЪЛОН ҚИЛАДИ.

Танловда иштирок этиш учун аризалар 2017 йилнинг 19 январига қабул қилинади. Танлов 2017 йилнинг 20 январь кунини соат 16.00да Яқкасарой тумани ҳокимлигида бўлиб ўтади.

Аризага қуйидаги ҳужжатлар илова қилиниб, ҳужжатлар талабгорлар томонидан муҳрланган конвертларда танлов комиссиясига тақдим этилади:

Умумий овқатланишни ташкил этиш соҳасидаги фаолияти, иш тажрибаси тўғрисида маълумотнома;

Махсус, моддий-техника базаси ва озиқ-овқат маҳсулотларини тайёрлаш технологияси бўйича малакали мутахассислар мавжудлиги ҳақида маълумотнома;

Бўш айланма маблағлари мавжудлиги тўғрисида банкнинг маълумотномаси;

Талабгорнинг таълим муассасаси ошхонасининг моддий-техника базасини мустаҳкамлаш бўйича истиқбол режаси ва таклифлари;

Талабгор томонидан тасдиқланган мавсумий намунавий таомномалар.

Манзил: Тошкент шаҳри, Яқкасарой тумани, Бобур кўчаси, 55-уй, телефонлар: 252-77-81, 252-23-17.

Спорт янгиликлари

ВАКИЛЛАРИМИЗ — ҚИТЪАДА
ЎНИНЧИ ЎРИНДА

Пляж футбол бўйича терма жамоаларнинг янги рейтинг жадвали эълон қилинди.

Унга кўра Ўзбекистон терма жамоаси 51-ўринга лойиқ кўрилди. Қитъамиз миқёсида эса терма жамоамиз 10-ўринни банд этиб турибди. Умуман Осиё бўйича Эрон терма жамоаси етакчилик қилаётган бўлса, ундан кейинги ўринлар Япония ва Уммон терма жамоаларига насиб этди.

Умумжаҳон миқёсида ҳамон Португалия терма жамоаси пешқадамлик қилаётган бўлса, ундан кейинги фахрли 2, 3-ўринларни Россия ҳамда Бразилия терма жамоалари эгаллашган.

МАВСУМГА ҲОЗИРЛИК ҚИЗГИН ПАЛЛАДА

Футбол бўйича олий лига жамоалари ўртасида уюштирилаётган мамлакат XXVI миллий чемпионати бошланишига ҳам икки ойдан сал кўпроқ вақт қолди.

Аммо, мамлакатимизнинг етакчи жамоалари "Локомотив", "Бунёдор" жорий йилги расмий учрашувларни сал эрта-роқ бошлашади. Сабаби бу икки номдор жамоамизни Осиё чемпионлар лигаси турнири кутиб турибди. "Локомотив" ушбу нуфузли турнирдаги иштирокини гуруҳ босқичидан бошласа, "Бунёдор" ҳамда "Насаф" жамоалари саралаш ўйинларида омадларини синаб кўришади. Шу боис ҳам етакчи жамоаларимиз мавсумга тайёргарликни эрта-роқ бошлаб юборишган. Аввало, мамлакатимизнинг амалдаги чемпиони "Локомотив" Тошкентда ўқув-йиғин машғулотлари ўтказди. Ҳатто "Олмалик" билан уюштирилган ўртоқлик баҳсида темирйўлчилар 3:1 ҳисобида зафар қучишди. Дарвоқе, "Локомотив" мавсум бошлангунга қадар таркибини бир неча маҳаллий ва хорижий маҳоратли чарм тўп усталари ҳисобига қучайтиришни режалаштирган. Январ ойида темирйўлчилар БААда ўқув-машғулот йиғинлари уюштиришади.

Шунингдек, ўтган йилги биринчилиكنинг кумуш медаллари совриндори "Бунёдор" ҳам Тошкентдаги ўқув-машғулот йиғини доирасида "Олмалик" жамоаси билан ўртоқлик учрашуви ўтказди. Достонбек Ҳамдамов томонидан дарвозага киритилган 2 та гол "Бунёдор"га 2:0 ҳисобидаги ғалабани тухфа этди. "Қалдирғоч"лар ҳам январь ойида БААнинг Дубай шаҳрида ўқув-машғулот йиғинини давом эттиришади. Йиғин доирасида "Бунёдор" ва Шотландиянинг "Абердин" клуби ўртасида ўртоқлик учрашуви ўтказиш режалаштирилган.

Пойтахтимизнинг бошқа жамоалари "Пахтакор" ва "Обод" ҳам машғулотларга қизгин киришибди. Январ ойининг 15-30 саналари оралигида пахтакорчилар ҳам БААнинг Шаржа амирлигига сафар уюштиришиб, машғулотларни давом эттиришади.

Ақбар ЙҮЛДОШЕВ

ШАХМАТ МУСОБАҚАСИ
НИҲОЯСИГА ЕТДИ

Пойтахтимизда шахмат бўйича "Тошкент қиши — 2016" анъанавий турнир якунланди.

Швейцарча тизимда тўққиз турдан иборат мусобақада юзга яқин шахматчи икки гуруҳда голиблик учун бахшланди.

Ушбу анъанавий турнир мамлакатимизда шахматни янада оммалаштириш, ёш иқтидор эгалларини аниқлаш, уларнинг тажриба ва маҳоратини ошириш мақсадида ташкил этиб келинмоқда.

Мусобақанинг рейтинг очколарига эга шахматчилардан иборат "А" гуруҳида Сиро-жиддин Нажмиддинов тўққиз партиянинг барчасида ғалаба қозониб, биринчи ўринни забт этди. Саидқабар Сайдалиев 7 очко билан иккинчи, Фотиҳ Абдуҳаликов ва Мухаммадали Абдурахмонов 6,5 очко билан учинчи ва тўртинчи ўринларни эгаллади.

Ун тўрт ёшгача шахматчилардан иборат "В" гуруҳида Шохрух Хамидуллаев 8 очко билан олтин медални қўлга киритди. У тўққиз партиянинг етти тасида ғалаба қозониб, иккитасида дуранг натижа қайд этди. 6,5 баллдан жам-фарган Исмоилжон Абдуғофуров ва Григорий Чубей кумуш ва бронза медаллар билан тақдирланди.

ЭКОЛОГИК БИЛИМЛАРИ МУСТАҲКАМЛАНМОҚДА


Тиббиёт академияси қошидаги академик ва Тошкент Педиатрия тиббиёт институти қошидаги 1-сонли академик лицейларда "ЭКОСАН" экология ва саломатлик халқаро хайрия жамоат фонди ҳамда "Меҳр ва мурувват" жамоат фонди билан ҳамкорликда "Экологик тарбия ва атроф-муҳитга муносабат" мавзuida тадбир ташкил этилди.

Бўлажак тиббиёт ходимларининг атроф-муҳит ифлосланишига қарши курашиш борасидаги тажрибаларини ошириш, тиббий маданиятни шакллантиришга эришиш мақсадида ўтказилган давра суҳбатларида ўқув масканларининг фахрийлари, педагог ва ўқувчилари ҳамда маҳалла фаоллари қатнашди.

Тадбирларда сўзга чиққанлар иштирокчилар эътиборини аҳолининг, айниқса, ёшларнинг тиббий маданиятини оширишга масъулиятини ҳамда мазкур йўналишда таълим олаётган бўлажак тиббиёт мутахассис-

лари олдида турган муҳим вазифаларга алоҳида тўхталиб ўтдилар. Шу билан бирга ўқувчиларнинг экологик-тиббий маданиятини юксалтириш юзасидан олиб борилаётган ўқув ва тарғибот-ташвиқот ишлари ҳақида ҳам маълумот беришди.

Анжуманларда Ўзбекистон Республикаси Олий Мажлиси ҳузуридаги ННТ ва фуқаролик жамиятининг бошқа институтларини қўллаб-қувватлаш Жамоат фонди лойиҳалари доирасида нашрдан чиқарилган "Экологик тарбия ёки атроф-муҳитга нисбатан муносабат",

ОСИЁ КУРАШ КОНФЕДЕРАЦИЯСИГА
ЯНГИ ПРЕЗИДЕНТ САЙЛАНДИ

Бирлашган Араб Амирликларининг Дубай шаҳрида Осиё кураш конфедерациясининг навбатдан ташқари конгресси бўлиб ўтди. Бу ҳақда Sports.uz сайти хабар бермоқда.

Ушбу конгрессда Осиё кураш конфедерациясига аъзо барча мамлакатлар вакиллари иштирок этди.

Унда асосан, 2018 йил Индонезияда ўтказилаётган Осиё ўйинларига тайёргарлик кўриш ва қитъада кураш спорт турини ривожлантириш масалалари кўриб чиқилди. Шунингдек, конгрессда ташкилий масала ҳам кўриб чиқилди. Осиё кураш конфедерациясини 2013 йилдан буён бошқариб келаётган Ҳайдар Фармон ўрнига Комилжон Рўзиев ОКК янги президенти этиб сайланди.

"Туркистон-пресс"

ЎРТОҚЛИК УЧРАШУВИ
ЎТКАЗИЛАДИ

Ўзбекистон миллий терма жамоаси 21-24 январь кунлари Бирлашган Араб Амирликларида навбатдаги ўқув-машғулот йиғинини ўтказиши.

Ўзбекистон футбол федерацияси ва Дания футбол борадиган таркиб мураббийлар штаби томонидан кейинроқ эълон қилинади. Бўлажак йўллар Ўзбекистон терма жамоаси учун 2018 йилги жаҳон чемпионати турнирига учинчи саралаш босқичи иккинчи даврасига тайёргарлик вазифасини ўтайти билан соат 17:00 да старт олади.

Бирлашган Араб Амирликларидаги йиғинга борадиган таркиб мураббийлар штаби томонидан кейинроқ эълон қилинади. Бўлажак йўллар Ўзбекистон терма жамоаси учун 2018 йилги жаҳон чемпионати турнирига учинчи саралаш босқичи иккинчи даврасига тайёргарлик вазифасини ўтайти билан соат 17:00 да старт олади.

Ботир ХҲЖАЕВ

"Экологик маданиятни шакллантиришда кадрларнинг ўрни", "Соғлом турмуш тарзи — фаровон ҳаёт гаровидир" номли китобларнинг тақдиротлари бўлиб ўтди. "Меҳр ва мурувват" жамоат фонди бошқаруви раиси ўринбосари, профессор Анвар Юнусов, Тошкент Педиатрия тиббиёт институти профессори, Халқаро экологик фанлар академияси академиги Эркин Турсунов, "ЭКОСАН" халқаро хайрия жамоат фондининг бош мутахассиси Гулноза Жалиловалар сўзга чиқиб, ушбу адабиётлар ўқувчиларнинг экологик тарбиясида муҳим аҳамият касб этиши ҳусусида ўз фикр-мулоҳазаларини билдирдилар.

"ЭКОСАН" фондининг Орол муаммоларига бағишланган ҳужжатли фильми намойишидан сўнг ўқувчилар ўзларини қизиқтирган саволларга жавоб олдилар. Ўқувчиларнинг табиат ва саломатлик мавзусига бағишланган бадий чикишлари иштирокчиларга манзур бўлди.

Мирқарим МИРСОВУРОВ, "ЭКОСАН" халқаро хайрия жамоат фонди бўлим бошлиғи

АСАЛАРИ ВА КАПАЛАК

Бир гулдан асал ололмаган асалари иккинчи гулга кўнди. Боши билан шўнғиб, гул ширасини сўра бошлади. Сўнг бошқа гулни мўлжаллади. Унинг ёнидаги гул япроғига атлас қанотларини пирпиратиб кўнган капалак асаларининг ҳаракатини гашлиниб қузата бошлади.

— Шундоқ атиргулнинг ҳам ҳиди ёқмадими? Ё гуллар ифорининг фарқини билолмаясанми? — деди таманно билан.

Билмайдик асалари учун фақат хиддан не фойда? Ўнлаб чақирим йўлни йўл демай, минглаб гул қосаларидан оз-оздан шира тўплаб, асал кашф қилади.

Фақатгина гул хидлаб, умр ҳаёти шу-да, деб юрган капалак бу ҳақда нима ҳам дерди, ўзига қараб қош қўяди-да.

МЕЪЁР

"Қирмизи" узумининг бир бош нишона ҳрсили қўвшдан эрта-роқ нур эмиб, новотранг тўсга кирди. Ёнидаги "тоғ узуми" ҳам нишона қилган экан-ку, тоққайчи уни хомтоқ қилаётгандагина сезиб юзини олачаллақ қилиб очди.

Кум-қўқ "Тоғ узуми" "Қирмизи"нинг чиройли

рангини пайкаб, тоққайчага ялинди:

— Юзимни таманно оч. Мен ҳам офтобдан тезроқ чиройга тўлай.

— Бирдан оқсам офтобдан азоб чекасан. Шунчалик очганимга шўқ қўл. Секин-секин юзингни барглардан очиб, офтобга ўргатиб бораман.

— Мен ҳам тезроқ эл озғизга тушай. Юзимни таманнола очаюқ.

— Ўз фикридан қайтмади "Тоғ узуми".

— "Қирмизи"нинг кечмиши йўли бошқа. Офтобга олдинроқ ўрганган. Пусти ҳам қалин. Сеники эса юлқа...

— Тоққайчи қанча насихат қилмасин, у ўз билганидан қолмасди.

— Ўзингга ўзинг зарар етказасан, — деди тоққайчи ва унинг юзига олачаллақ солиб турган ортиқча новда ва барглари ҳеч қолдирмай қирқди.

Кўёшининг қизигига дош беролмай қуйган "Тоғ узуми" гўжумларининг юзи қўрақитирдек:

— Юзимга ўтлардан ўриб ёп. Тамом қуяди-ганга ўхшайман, — гўжумларини қайқатди узум боши.

— Йўқ, ёпишим фойдасиз. "Қирмизи"нинг чиройига ичинг қуйиб шўшилдинг. Ўз меъёрини билмай, юзи қуйганлардан намунасан, — деди тоққайчи.

Ғани АБДУЛЛАЕВ

"101"

ДОИМО ГАЗ ВА
ЭЛЕКТРАН ТЎҒРИ
ФОЙДАЛАНИНГ

Сир эмас кунлар совиши билан барчамиз хонадонларимизни иситиш мақсадида газ ва электр асбобларидан фойдаланамиз. Лекин қай тарзда? Орамизда носоз ёки қўлбола электр ва газ мосламаларини ишлатиши натижасида хонадонини кулга айлантириб, ўзлари ҳам қурбон бўлган инсонлар бор.

Газ ускуналарида нотўғри фойдаланиш ҳамда хоналарни иситиш мақсадида газ плиталарни ёкиб қўйиш, назоратсиз қолдириш, тўтун йўлларининг носозлиги, дудбуронларни тозаланмаслик оқибатида келиб чиқаётган ёнғинларнинг сони сезиларли даражада ортиб бормоқда. Ёнғ ачинарли томони шундаки мазкур ёнғинларнинг олдини олиш кўп нарсани талаб қилмас эди, бунга бор-йўғи бепарволик, жавобгарлик ҳиссини сезмаслик сабаб бўлган. Фуқаролар ёнғин хавфсизлиги қоидаларини билсаларда, унга лоқайдлик билан қарамокдалар. Газ хидини сезганда гугурт чақиш мумкин эмаслиги, газ қувурларини ўзбошимчалик билан газ плиталарига резина шланглар ёрдамида қонунга зид равишда улаб, хонадонни талафотларга олиб келаётган инсонлар ҳам топилади. Бу эса ўзларининг моддий зарар кўришларига ва жиддий тан жароҳати олишларига сабаб бўлмоқда. Бундай асаббўзарлик ва талафот бўлмаслиги, ўйингизда офат балоси чиқмаслиги учун газ билан фойдаланишда ёнғин хавфсизлиги қоидаларига риоя қилишингизни сўраб эдик. Иситиш печаларидан тинимсиз фойдаланиш, уларни ёқилган ҳолда қаровсиз қолдириб кетиш қатъиян ман этилади.

Тажиржан ИСМАИЛОВ,
12-ХҲО 23-ХҲХ катта
инспектори, сержант

Киши қачонки бошига ташвиш тушгандагина хушёр тортиб, ўз хатти-ҳаракатларига баҳо беради. Унгача эса...

Ёнғин хавфсизлиги хизмати ходимлари неча бор огоҳлантиришлари, жаримага тортишларига қарамай, ҳамон ўз биланларидан қолмай, уйларида носоз электр ёки газ плиталаридан фойдаланиб келаётган фуқароларимизнинг борлиги, вақти келиб хонадонларидан ёнғин содир бўлганида эса ёрдам сўраб югургилаб келаётганликларини кўриб кишида ҳам ҳайрат, ҳам ачиниш ҳисси уйғонади. Ахир кунги кеча тинч ва осуда ҳаёт кечириб, ўз меҳнати маҳсулидан баҳра олиб юрган оиланинг уйи бир кечада кулга айланиши кимнинг хаёлига келибди дейсиз. Агар муҳандис инспекторларга, газ ва электр ходимларининг сўзларига қўлоқ солишганида, ёнғин хавфсизлиги қоидаларига амал қилишганида бундай ҳол юз бермасдику.

Ҳақ гапнинг аччиғи яхши. Кишини хушёр тортирадиган. Масалан, фуқаро Р.Мамашев ёниб турган газ печининг устига қийимларини қури-тиш мақсадида осиб қўйган, ўзи эса бошқа ишларига чалғиганлиги оқибатида илинган қийимлар ёниб, ошхона ва уй жиҳозлари 5 м.кватратда ёниб зарарланган. 1936 йил тузилган фуқаро Э.Саркисов эҳтиётсизлик билан сигарет чекиши оқибатида, ўрин-қўрпаларда ёнғин содир бўлган. Ачинарлиси фуқаро ис газидан заҳарланиб вафот этган.

Инсон орзу билан яшайди, меҳнат қилади, молу мулк орттиради. Аммо, уни ёнғин оқибатларидан асрашни билмайди. Агар билганида ва унга амал қилганида бошига қўргилиқлар тушмасди. Демак, ҳамма гап ёнғин хавфсизлиги қоидаларини билиш ва уларга амал қилишда. Шундай эмасми, азиз ҳамшаҳарларимиз?

Фарход АБДУЛЛАЕВ,
Миробод тумани ИИБ ЁХБ
инспектори, сержант



Тошкент шаҳрида 11 январь кун ҳаво ўзгариб туради, кечга томон қисқа муҳдатда ёмғир ёниб қорға айланади. Кечаси ва эрта-лаб туман тушиши мумкин. Шарқдан қарғога йўналиши ўзгариб турган шомол секундида

— 7-12 метр тезликда эсади. Ҳарорат кечаси — 0-2 даража совуқ, кундузи — 8-10 даража илқ бўлади. Ўзгидрометнинг мониторинг хизмати маълумотида кўра, 11 январда Тошкент шаҳрининг об-ҳаво шароити шаҳар ҳаво муҳитида зарарли моддаларнинг бир оз тарқалиб кетишига имкониёт ярашади, ифлосланиш даражаси паст бўлади.